





雪中登黃鶴樓

黃鶴樓前水平岸。春雪當空舞撩亂。東風知我欲登樓。助以瓊瑤作奇觀。昔人黃鶴去不回。我驅白鳳橫江來。遙看歷歷漢陽樹。一色盡是梨花開。人間何處最佳絕。百尺闌干滿江雪。氣壓滕王閣。下雲興高庾亮樓。中月瀛洲咫尺非難到。鶴背瑤花落鳥帽。載酒誰能問謫仙。題詩未必無崔顥。江山得此清無敵。頃刻銀蟾蕩瑤碧。更着仙人紫綺裘。卧聽呂巖吹鉄笛。

雪中再登黃鶴樓興豪詞若登眺之極致也



平生不願萬戶侯。亦不願識韓荆州。但願武昌連日  
雪。日。日。醉。登。黃。鶴。樓。樓。前。絕。景。冠。今。古。况。有。續。紛。雪  
花。舞。玉。樹。參。差。認。漢。陽。銀。洲。浩。蕩。迷。鸚。鵡。江。頭。兒。女  
走。歆。顛。謂。我。自。是。騎。鶴。仙。白。雲。飛。盡。黃。鶴。去。此。景。不  
見。三。千。年。我。指。闌。干。為。招。手。世。上。神。仙。果。何。有。桃。李  
非。無。頃。刻。花。江。湖。亦。似。逡。巡。酒。他。日。重。來。五。百。春。樓  
前。花。草。一。番。新。相。逢。不。識。純。陽。子。何。用。重。尋。回。道。人。

贈錢塘全王孫

兄為柱國弟開府。門吏紛紛皆繡斧。勅賜龍河百畝

宮。畫。戟。雕。弓。映。朱。戶。金。鳳。盤。腦。白。錦。襦。面。如。紅。玉。紫  
虬。鬚。六。宮。曉。逐。諸。王。入。八。府。春。隨。宰。相。趨。東。風。忽。念  
江。南。好。寶。髻。看。花。踏。春。草。茂。苑。鶯。聲。醉。裏。聽。建。章。柳  
色。愁。中。老。回。首。瀛。洲。草。木。新。蒼。顏。白。髮。照。烏。巾。都。將  
秋。水。蛟。龍。劍。贈。與。長。安。任。俠。人。

高郵湖新開值雨

殘紅曉落西陂岸。雨脚斜飛鷗鷺亂。扁舟盡日畫中  
行。荷葉荷花香不斷。船頭老翁一尺鬚。斗量菱角兼  
賣魚兒能鼓柁。女蕩漿。何用聰明多讀書。



李嵩畫宋宮觀潮圖  
奏陳

李嵩畫宋宮觀潮圖

所題此圖者數皆名士此稱獨步

十五潮上月。十八月上潮。君王連日醉。伐鼓更吹簫。  
簫聲忽如天上落。大內臨江起飛閣。碧瓦朱甍十二  
闌。嬪娥歲歲觀潮落。潮水猶可定。日夕來潮宗。人心  
獨不如。而不思兩宮。兩宮未雪耻。屢下班師旨。素車  
白馬神。云是鴟夷子。何不令天吳。折會大奸髓。奸髓  
不可食。國恥不可滌。嗟爾江上潮。雖雄竟何益。潮無  
益於人。看潮徒損神。橫江鐵騎來。三日飛埃塵。曆數  
固有歸。爾潮胡不仁。遂令鸞鳳離。戚戚悲殘春。春光

浩無主。落花隨暮雨。回首幾秋風。旌旗又如許。又如  
許。君勿悲。古來在德不在險。一杯之潮安可奇。

挂劍臺和黃子邕

生諾諾尚淺。死諾諾更深。當時季子意。即是徐君心。  
嗟嗟徐君骨已朽。寶劍摩挲在吾手。正擬臨岐解贈  
君。不意挂君墳上柳。挂劍果何益。聊以明不欺。當時  
讓心。肯使徐君疑。於乎劍可折。臺可隳。死生之諾不  
可虧。

東閣對雨



朱郎開東閣。青閨對晚林。兩苔行處濕。風葉坐來深。  
俯仰唯緘口。交遊孰吐心。偶逢佳節醉。萬事總銷沉。

登岳陽樓

春色醉巴陵。闌干落洞庭。水吞三楚白。山接九疑青。  
空闊魚龍舞。嬋娟帝子靈。何人夜吹笛。風急雨冥冥。

江村雜興

非人深致可想

判醉望愁醒。愁因醉轉增。已歸仍似客。投老漸如僧。  
詩興風樓笛。棋聲雪舫燈。莫言渾不解。此事野夫能。

夏夜有懷

重露澄秋色。輕風生夜涼。碧看湖草夢。紅愛渚蓮香。  
有弟徒相憶。何人不異鄉。悲笳在城上。雙泪落衣裳。

懷吳善養

心境兩俱寂。松風時掩關。佩紉蘭葉紫。冠製竹皮斑。  
飲少長先醉。吟多每自刪。近來登眺懶。滿壁畫秋山。

途次感秋

嫋嫋西風吹逝波。冥冥灑氣逼星河。宣王石鼓青苔  
澁。武帝金盤白露多。八陣雲開屯虎豹。三江潮落見  
鼉鼉。沅湘一帶皆秋草。欲采芙蓉柰晚何。



太湖

天帝何年遣六丁。鑿開混沌見雙青。湖通南北澄光  
鑑。山斷東西列畫屏。掩兩龍歸霄漢。暝經魚船過水  
雲腥。乘風欲往終吾老。角里先生在洞庭。

春日白門寫懷用高季迪韻

得歸雖喜未忘悲。夢裡猶驚在別離。尚短柳如曾折  
後。已殘梅似半開時。江雷殺夜虫蛇早。山雨崇朝蛺  
蝶遲。製取烏巾籠白髮。免教春色笑人衰。  
衰切難微也

春草

嫩色柔香遠更濃。春來無處不茸茸。六朝舊恨斜陽  
外。南浦新愁細雨中。近水欲迷歌扇綠。隔花偏襯舞  
裙紅。平川十里人歸晚。無數牛羊一笛風。  
詠物之體至此妙絕

無題四首和李商隱

一瓣芙蓉是綵舟。權歌離思兩夷猶。風鬟霧鬢遙相  
憶。月戶雲窗許暫留。波冷綠塵羅襪曉。恨添紅葉翠  
顰秋。雙鸞鏡裡瑤臺雪。任爾無情也上頭。

細骨輕軀不耐風。春來簾幙怕朝東。人間玉宇三山  
隔。天上銀河一水通。眉暈淺顰橫曉綠。臉消殘頰

時  
山法修多一



春紅冰絃莫奏清商曲。滿地霜華泣翠蓬。  
纔向瑤臺覓舊踪。曙鴉啼斷景陽鍾。旋調朱粉粧偏  
媚。倒捧黃花態更濃。立近晚風迷蛺蝶。坐臨秋水亂  
芙蓉。多情莫恨巫山遠。只隔朱簾抵萬重。  
夜合花邊待月來。宮車歷歷響春雷。笙歌恨譜參差  
度。錦織愁文宛轉回。樓上綠珠知報主。座中紅綈解  
憐和。傷情兩炬緋羅燭。吹作銀河華上灰。

望夫山

古荔荒臺綠滿身。至今翹首望歸人。玉容已化峯頭  
雪。朽骨應為塞口壘。風雨不消和戟恨。鶯花又度一  
年春。誰將湘女爛編竹。種向東風似有因。

過黃陵廟

蒼梧接桂林。九疑雲氣隔湘陰。東風又洒爛編  
竹。明月長懸悵望心。雨裏鷓鴣春色晚。廟前莎草落  
花深。荒碑獨有元和刻。苔色蝸涎已半侵。

懷方員外

廣浦芙蓉雨滿津。惟君別我最傷神。非緣四海無知  
子。自覺中年少故人。黃葉亂蟬江樹晚。綠陰啼鳥掖



理春此時詩興誰能識。還憶山林賀季真。

清明雨中傷感

歲衣時節尚寒天。暫倚東風泊畫船。十里樓臺仍細雨。五侯七貴又新烟。且簪楊柳酬佳節。莫對桃花憶去年。總是無情也。腸斷鷓鴣聲裡又啼鶯。

晚春金陵留別諸友

旌旗獵獵繞高城。曲水飄香出繡楹。雨頤風頤枝外蝶。花邊柳暗樹頭鶯。衣籠紗幘羞容老。試看羅衣覺體輕。憶醉歸湖上路。滿身飛絮馬縱橫。

寄楊廉夫先生

不見雲間楊鐵史。寮中七客近如何。老來詩句疎狂甚。亂後文章感慨多。長笛參差吹海鳳。小璫楊柳舞妖魔。春明且盡嬉遊樂。莫解梁鴻五噫歌。

江郭對柳

鷓鴣催雨一雙啼。江郭崇高竹樹低。嫩葉暗將殘葉換。新梢欲與舊梢齊。席因留客常虛左。簾為看山盡捲西。自嘆為郎今白首。繆曾同籍向金閨。

中一聯李西涯亟稱之

追送徐孟岳



長洲縣前春草生。騎馬送君君已行。東風楊柳或淡  
蕩。新水鶯鴨自縱橫。青松堆兩晚飯足。白苧剪雪春  
衣成。鄰家有酒可贖買。我欲相從聽早鶯。

蛾眉亭

蛾眉亭上看秋山。低處輕顰淺淡閒。雨過微雲添  
一抹。晚來新月闌雙灣。不愁商女行相妬。長恨離人去  
未還。我亦蛾眉山。下客偶因登眺憶鄉關。

陌上桑

青青陌上桑。葉葉帶春雨。已有催絲人。咄咄桑下語。

溪山消息

花開

花開醉不休。花謝莫深愁。縱使花常在。東風也白頭。

壺中二色桃花

素頰映紅腮。西園共榆來。憐渠竟先落。知是最先開。

瓶中插梨杏桃李四花有詠

各自媚春光。輕紅映淺粧。日融花氣暖。忘却是誰香。

彈琴高士

江靜月在水。山空秋滿亭。自彈還自罷。初不要人聽。

扇上畫



別夢蘋花外。歸心燕子前。齊王不好瑟。塵土滿朱絃。  
刺客三詠

秋啼聶政魂。寒漬荆軻血。報讐兼報恩。刺人還自殺。  
筑

朝擊無秦聲。暮擊皆死曲。誰知腹中鉛。矐却壯士目。  
椎

公子終救趙。留侯徒中車。平生萬金客。不及圯橋書。  
五丈石

落星長百尺。風雨忽中斷。至今雷火焦。突兀猶存半。  
照湖鏡

團圓山中石。下照太湖影。如何一鑑中。三萬六千頃。  
夢歸

夢歸片時懽。夢覺終夜惡。欲起就殘燈。鼠搖寒爐落。  
示揚水西

親老更家貧。將歸未有因。相逢難說與。君是故鄉人。  
逢故奴二首 其一

出門逢故奴。倉卒塵中拜。不暇相隨行。街中捧衣賣。  
其二



出門逢故奴。恠我顏色稿。茲事何足驚。別離容易老。

聞柝

孤館月如霜。閣閣鳴秋柝。羗兵未解圍。淚逐寒聲落。

自嘆

白髮慈親九十。紅塵客路三千。歸去桃花源裏。綵衣萱草堂前。

遊鄧尉山

隨意扶筇入遠林。紫籐花落逕苔深。山中莫道無春樂。一片鶯聲在綠陰。

天平山中

細雨濛濛濕棟花。南風樹樹熟枇杷。閒行不記山深淺。一路鶯聲送到家。

十二紅圖

何處飛來十二紅。萬年枝上立東風。楚王宮殿皆零落。說盡春愁細雨中。

西湖上書所見

采蓮女兒蓮花腮。藕絲衣裳難剪裁。瞥然一見唱歌去。荷葉滿湖風雨來。



赤山舊事

松稍吹粉落衣裳。躑躅花開春筍長。可是山中朝洗藥。一渠春水茯苓香。

徐賁

字幼文。蘇州人。工為詩。與高啓諸人齊名。尤善寫山水。秀潤可愛。洪武被薦。奉使晉冀。及還。檢其橐。惟紀行詩而已。任河南布政使。所著曰北郭集。王鳳洲曰。既富才情。未閑體格。又曰。體裁精密。情喻幽深。頗似錢郎。顧玄言曰。詞采適麗。風韻凄朗。殆如楚客叢蘭。湘君芳杜。每多惆悵。

切切重切切。贈普仲淵

切切重切切。相逢復相別。君行車有輪。我車去無音。

千里更萬里。宛轉車輪裏。關山路險巖。行速寧行遲。

三婦詞

大婦能刺繡。中婦解藏鉤。小婦知音樂。織手彈箏篴。上客且安坐。風光日無休。

別離曲

山風吹霜榆葉老。城鴉傳聲天欲曉。征徒出門駕出裝。斗杓倒懸月無光。我停露車客停馬。荒烟蕭蕭暗平野。一杯濁酒且須傾。九月垂楊不堪把。歌殘感激絃聲繁。坐上美人爭笑喧。相逢相別皆草草。心事如



絲向誰道

神絃曲

靈風颭旗日光黑。燈影半明斜照壁。湘筠颯颯泣慘  
悽。翠裙香帶蘭葉齊。鮑梁絳鼠舞碧雞。神鵝飛出寒  
烟啼。紙錢嘯火高懸樹。千輪萬馬登天去。

明皇遊月宮

花萼樓中春漠漠。君王睡重無人覺。別宮漏點怨寒  
宵。閒却梨園太平樂。雲龍十二共扶搖。青藜化作黃  
金橋。翡翠門屏桂枝影。素娥舞帶香風飄。優黃共說

霓裳舞。歸來換盡人間譜。梧桐擊碎教妖環。蜀山臺  
戰漁陽鼓。

送曾伯茲赴河西將幕

上將初分關。儒官解習兵。風旗春獵野。雪帳夜歸營。  
洮水從岷下。祁山入隴平。知君能載筆。草檄報邊聲。

兵後過臯山亭

臯亭西去遠。一過一凄然。雁宿蘆中月。人歸草際烟。  
漁家多近水。戎壘半侵田。尚喜餘民在。停舟問昔年。

送朱知事



惆悵官亭酒如何送客頻水烟漁市晚花氣野橋春  
小騎行沙隄輕衫映柳新尊前莫催別明日異鄉人

遊金粟寺

暫息人間事尋幽到上方白雲分石磴落日照山房  
松暝鍾聲遠林回蔓草長老僧能愛我其衲謾焚香

登廣州城樓

五嶺南來瘴海深秋風榕葉尚陰陰安期一去家遺  
鳥陸賈重來橐有金門限帟頭潮上下城開雁翅客  
登臨清時不用頻興感萬里惟存向闕心

夏姬墓

館娃宮裡已堪愁况值泉臺閣小丘月冷寶奩無復  
曉池空玉雁不知秋蘿間舊屋僧來住竹下新亭客  
過遊不有佳名留郡志誰能識此為停舟

送王架閣南歸

蘭橈暫住酒重斟隔浦誰歌送別吟歸雁不隨南去  
客飛雲猶載北來心野梅官柳愁相映暮雨春江思  
共深想得慈親倚門久逢山逢水莫登臨

送高二啓韻



柴門村徑帶津橋。來往因君豈憚遙。淺水不波仍漾  
漾。疎林無雨自蕭蕭。檣留夕照人將別。江作新寒酒  
易消。明日秋風重惆悵。還將離思許歸潮。

送張山人還天平

幾欲求田負舊盟。聞君西嶺草堂成。每緣種福多開  
地。獨為脩琴始到城。黃葉已先霜降落。白雲常在雨  
餘生。龍門林屋無多遠。此去尋幽莫計程。

寄周記室

湖波遙帶夕陽低。想得君家住更西。隔岸衆山晴猶

當門。幽鳥晚猶啼。酒綠客裡偏能飲。詩到愁邊只  
渴題。欲倩歸雲寄離思。如何却向望中迷。

折楊柳

人言折柳愁。儂言折柳好。倘向柳邊行。識君去時道。  
評曰：意新。

塞上曲

十五見天子。十八領邊兵。曾將一羽箭。贏得射雕名。

采蓮曲

采蓮莫采多。采多莖傷手。手傷有時好。傷我池中藕。



評曰寓意深矣

青青水中蒲

青青水中蒲。織作團圓扇。不肯贈傍人。自掩春風面。

徐良甫耕釣軒

荷插喜逢春。雨鳴柳漸近。黃昏誰道南陽渭水。不如

湘水鹿門。

題葉子素所作山水

任昉臺前記別離。闔閭城外哭君時。今朝孤館看圖

畫。萬水千山不盡思。

慰吳允堅喪妻

腸斷琵琶曲裏聲。綠雲天遠不勝情。歸來玉版休輕

觸。鸚鵡能呼舊日名。

張羽

字來儀烏程人。讀書一覽不忘。為詩文俊逸。典雅。洪武初舉明經。為郡學訓導。與高啓、徐貴、楊基、齊名。號高楊。徐、張、歷翰林侍制。太常寺丞。作畫師。小米所著有靜居集。

張節婦

行者不復歸。處者長相思。昔與君別者。乃為大暮期。杲杲白日光。其雨在何時。惟有明明月。可以比容輝。



兔絲附女蘿。窈窕不相離。青青忽已稿。纖纖難自持。  
他山豈無木。他木豈無枝。念彼綢繆好。其隨秋草萎。  
感茲以終老。鬢髮已如絲。耿耿栢舟誓。千載同所歸。  
三江口望京闕

館娃宮

館娃宮中百花開。西施曉上姑蘇臺。霞裙翠袂當空  
舉。身輕似展凌風羽。遙望三江水一杯。兩點微茫洞  
庭樹。轉面疑眸未肯回。要見君王射麋處。城頭落日  
款樓鴉。下堦戲折海棠花。隔岸行人莫偷睇。干將莫  
邪光燦燦。評曰此與杜子美麗人行異曲同工是

送縣尹

我家茅屋臨官道。前種桑麻後梨棗。年年力作不違  
時。人有餘糧牛有草。官長下車今幾年。老夫不到縣  
門前。鄉無吏胥門戶靜。家家盡稱官長賢。大兒入城



買田具。始知官長移官去。來時擬向官道迎。今日去時還送行。攀轅欲留留不止。我民徬徨彼民喜。慙慙再拜官道前。請酌三江一杯水。

### 西塞晚漁圖

西塞山前日欲暮。江樹離離起烟霧。玄真仙馭不可攀。時聽漁歌隔溪渡。灣頭水淺鱖魚肥。紅塵不上綠蓑衣。投杆倚棹看新月。猶見雙雙白鷺飛。

### 余將軍篆書榻本歌

余將軍守舒州。舒州之滅大如礪。長江西來繞城流。

賊船如雲壓城破。將軍提劍城頭坐。兵未動時虜已奔。鯨鯢殺江江為渾。孤軍六年三百戰。王師不來城自存。無兵猶足戰。無食安可支。豈無愛妾與愛馬。殺之不解壯士饑。力盡矢竭將奚為。倉皇齧舌罵不已。義士千人同日死。今人還有盡忠池。碧血清冷化為水。將軍持節東州時。作此篆書形崛奇。妙墨已隨神物化。好事當時臨得之。雖非其真意。獨在垂金屈玉盤。蛟螭我拜重。是忠臣跡。秦相雖古其人非。嗚呼將軍此書配者誰。清君摹取浯溪石上中興碑。



醉樵歌

華蓋山高亘南楚。賸產奇材少榛莽。山人嗜酒而業  
樵。背負青尊手持斧。丁丁伐木雲之深。束薪歌擔力  
不任。且傾醞醪藉盤石。痛飲莫知西日沉。白眼望天  
歌鼓腹。襍衣半染苔花綠。頽然俯枕樹根暝。鼻息如  
雷撼巖谷。起來却笑朱買臣。底用金紫纏其身。堪羨  
劉伶行荷鍤。生死無累全天真。梗楠豫章等枯梗。惟  
取醅醕真樂境。泛觀世事多沉醅。誤入牢籠猶未醒。

詩窮

道在何妨拙。身安一任貧。已知如意事。不逐欲吟人。  
瀑布空山月。梅花破屋春。奚囊有佳句。未肯寄朝紳。

題胡玄素畫

我有一區宅。寄在匡廬山。香爐起烟外。瀑布落簷間。  
梅老花空發。草芳人未還。惟有藤蘿月。夜夜照松關。

行樂過西崦

白日都消筆硯間。偶因行樂在松關。秋聲不盡蕭蕭  
葉。夕景無多澹澹山。蛩響寒齋心自定。苔荒深院客  
長閒。已知身世俱成幻。莫嘆西風鬢易斑。



揚州道中

馬頭津口足風波。歲宴遙乘一傳過。南渡客來多漢語。下江人去半吳歌。蕪城總入新編戶。瓜步斜連古運河。何處吹簫明月下。野田茆屋晚烟多。

送帝公禮赴温州

城東飛花野客州。花間春雨叫鉤輈。風塵顧我獨青眼。湖海送君俱黑頭。客城洞天明月好。白沙渡傍蒼樹愁。雲山再望五百里。何日相從汗漫遊。

過吳門

屏帆迢遞入吳烟。竹溆蘆洲斷復連。柳影濃遮官道上。蟬聲多傍驛樓前。近湖漁舍皆懸經。向浦人家盡種蓮。行到吳王夜遊處。滿川芳草獨堪憐。

蘇臺覽古

荒臺獨上故城西。輦路淒涼草樹悲。廢塚已無金虎卧。壞墻時有夜烏啼。來香徑斷來麋鹿。響屧廊空變黍離。欲吊伍員何處所。淡烟斜日不堪題。

燈花

畫堂銀燭映歌鍾。醉眼俄驚火樹紅。白玉屏深留晚



艷。絳紗籠暖護春叢。闌干青泪。非因兩。狼籍殘堞。  
為風更憶禁垣歸路靜。金蓮隨馬散。文虹。

胡騎圖二首 其一

弓劍隨身帶。關支細馬駝。天寒水草遠。更過白狼河。

其二

陣火照紅雲。龍庭戰未分。奎甕上馬去。應避李將軍。

觀魏武本紀

促路蟬蛸短。雄心日月長。玉床飄總帳。徒自戀餘香。

題陶淵明畫像

五兒長大翟卿賢。彭澤歸來足醉眠。籬下黃花門外柳。秋光不似義熙前。

燕山春暮

金水橋邊蜀鳥啼。玉泉山下柳花飛。江南江北三千里。愁絕春歸客未歸。

袁凱

字景文。號海叟。其先蜀人。後徙松江之華亭。洪武中為監察御史。以才能受知高廟。每獻納多喜。從之後。移疾歸。所著詩。初在野。集專學杜。何仲默曰。海叟為國初詩之冠。人悉無有。知之。王鳳洲曰。凱之圖。頗見風雅。白燕之什。無忝閨房。雖



未登大曆之堂。實已超宋人之乘。顧玄  
言曰。才情適拔。往往有奇語。尤關於咏  
物。

古意

白日生東海。倏忽墮崦嵫。皓月方滿盈。斯須亦已虧。  
淮陰有奇功。赫赫在一時。焉知東縛去。還為兒女欺。  
天道每如此。人事安足悲。獨羨鴟夷子。輕舟去江湄。

從軍行

烽火塞上來。發卒備戎虜。翩翩長安兒。力未勝弓弩。  
辛蒙車騎息。出入在幕府。烽烟一朝息。歸來受茅土。

其高去也深

翻笑李將軍。血戰自辛苦。

擬曹丕芙蓉池作

葱蘢佳木陰。蕩漾綠水池。月出懸高城。流水溢前墀。  
芳草生路傍。馥郁隨風吹。臨軒酌芳醕。秉翰賦新詩。  
雖非賢主人。列座皆瑰奇。而况同一心。相愛不復疑。  
君看隨陽鳥。洲渚亦相依。四海皆兄弟。斯言豈為非。  
願啟夙昔好。黃髮不可違。

偕友人早出郊

離群寡遊豫。得朋殊繾綣。相將度春水。散漫入芳甸。

卷之六 十六



班荆烟乍斂。掃花露猶泫。林鶯坐未出。沙鳥飛還見。  
遙山浮空翠。晴雲曳輕練。一聽野人言。復起滄洲願。

池上

秋水行樂去。池樹色已暝。露下夕衣涼。月上風簾靜。  
饑禽墮疎竹。鳴蛩出深井。夜久人事息。蕭然諸念屏。

遊西墅

吳王逐獸地。士衡聞鶴亭。古人不可見。荒原今獨行。  
遺堵儼若存。阡陌復縱橫。依稀望極浦。迢遞盼春城。  
江樹既晡霽。原花復晶瑩。長烟覆漁屋。白水亂鳧汀。

山川豈云異。人事有消停。即此傷往時。聊復樂其生。  
寄言後來士。此理可自明。

下直懷北山隱者

載筆侍雲陛。向夕始餘閒。撫彼清冷觴。慰此憂戚顏。  
出軒月纔皓。臨街露已繁。廣庭行且止。脩檻去復攀。  
幽樹藹深翠。餘花發微殷。俯仰不知久。星漢忽西還。  
歸來空房卧。嚴城漏欲殘。鴉鳴九井動。劍珮亦珊珊。  
將隨夔龍後。祇肅謁重關。緬懷息心侶。遺世在雲山。  
焉能從之去。逍遙巖桂間。



京師歸別業

郊園草已遍。襟卉駐餘春。遊絲牽水杪。孤鶯鳴水濱。  
羈人懷舊居。日夕自傷神。遙遙千里途。豈復念苦辛。  
欣然入場圃。兒女各來親。當軒釋負擔。拂去衣裳塵。  
老夫行役久。歸來志復伸。陶潛愛清風。張翰思故尊。  
援筆為此詩。示我隣里人。

江南曲

江南好流水。中有鯉魚與雁鳧。汝出取魚與雁鳧。養  
我堂上姑。姑今年老鳴聲鳴。鳴聲鳴良可哀。生而  
不能養。死當何時回。死而不回。嗚嗚良可哀。

楊白花

楊白花。飛入深宮裡。宛轉房櫳間。誰能復禁爾。胡為  
高飛渡江水。江水在天涯。楊花去不歸。安得楊花作  
楊樹。種向深宮飛不去。

何仲默曰海叟歌行近體法  
杜甫古作不盡是其取法自  
晉魏以來者其所造就蓋具體而未大  
耳。意其識稀矣。

馬氏西園宴別吳進士善鄉

竹陰連水屋。荷氣集池臺。南國佳人在。西園高宴開。  
好風因樹起。新月渡河來。別後江潭上。離腸日幾回。



客中除夜

今夕為何夕。他鄉說故鄉。看人兒女大。為客歲年長。  
戎馬無休歇。關山正渺茫。一杯栢葉酒。未敢淚千行。

泗州書懷

白髮三吳客。清秋泗水邊。宦途隨老馬。歸夢逐風鳶。  
酒盡尋僧舍。書來問客船。淮南與淮北。漂泊過年年。  
送任李二高士歸越

老。去。任。公。子。重。來。李。少。君。僊。九。初。不。遠。江。海。自。離。群。  
水。繞。吳。宮。樹。山。連。禹。穴。雲。汀。洲。有。長。笛。日。暮。不。堪。聞。

江上早秋

靡。靡。孤。蒲。已。滿。陂。菱。花。菱。葉。更。參。差。即。從。景。物。看。身。  
世。却。恠。飄。零。枉。歲。時。得。食。野。鷗。爭。去。遠。避。風。江。鶴。獨。  
歸。遲。干。戈。此。日。連。秋。色。頭。白。猶。多。宋。玉。悲。

次楊廉夫先輩韻

吹。笛。春。江。烟。霧。稀。幽。芳。小。草。總。相。依。巫。峽。寧。知。雲。雨。  
亭。滄。州。欲。試。芰。荷。衣。花。間。鶴。鶴。迎。人。起。波。上。魚。龍。挾。  
棹。飛。不。似。南。州。庾。開。府。鄉。關。頭。白。苦。思。歸。

京師歸至丹陽逢侯大醉賦



白下西風吹夜涼。五湖秋草動微霜。千家砧杵初凌  
亂。獨客關山正渺茫。歸去定應殘臘盡。飄零猶幸此  
身強。丹陽郭裏盈尊酒。且為侯芭發醉狂。

寓所一首

草閣開亭春水邊。雨蒲風柳自紛然。鄰翁對客還爭  
席。水鳥依人欲上船。西北朝廷無使節。東南城廓有  
烽烟。老夫避地非遊說。正少蘇家二頃田。

寄題馬氏草堂兼柬黃二秀才

江上草堂風物幽。江花紅白滿汀洲。鳴鳩呼婦東西

去。鹿將兒遠迎遊。已有軒窗成晚趣。草堂有晚趣軒更無

舟楫散春愁。東林早晚櫻桃熟。應與黃香數勸酬。評

鳩呼婦鹿將兒佳聯也

久雨後寓所

荒村處處聞流水。草閣時時自掩扉。庭樹葉深沙鳥  
隱。紫藤花褪蜜蜂稀。只將書劍消長夏。更有漁舟送  
落暉。天意未教我馬息。老夫漂泊敢言歸。

登虎溪閣

秋深時節雨霏霏。獨坐江樓看雁飛。烟火數家山郭



晚蓬檣幾處野船歸。謀生計畫人皆笑。投老鄉關事已非。聞道淮南新易將。江湖此日亦沾衣。

聞笛

花發吳松江上村。隔花吹笛正黃昏。風塵遠道歸何日。燈火高樓合斷魂。夜靜幾家無別淚。雨聲終日過柴門。天邊楊柳今無數。短葉長條非故園。

白燕

景文少謂楊鐵崖見案上有咏白燕詩者景文曰此未盡體物之妙揚不以為然後景文為此詩楊大加稱賞流傳同輩呼為袁白燕云

故國飄零事已非。舊時王謝見應稀。月明漢水初

影。雪滿梁園尚未歸。柳絮池塘香入夢。梨花庭院冷

侵衣。趙家姊妹多相妬。莫向昭陽殿裡飛。詠物絕妙

視此愧死矣結意尤勝老杜白鷹不知識者以為何如也

無題二首

其一

門外青青草。今年更覺深。前時玉釵墜。侍婢不能尋。

其二

海內雖無事。朝中有諫書。大家猶未省。不敢候羊車。

江山二首

野屋藏春樹。江隄倚暮花。買魚留楚客。沽酒問吳娃。



日暮江風急。江花水上飛。吳船三十丈。載得夕陽歸。

淮安道中

山陽城中細雨。廣陵陌上飛花。估客時時吹篴。行人處處思家。

淮東逢張十二信

少年追逐共西東。吳邁文章馬亮方。一自干戈零落盡。白頭淮海獨相逢。唐調

淮西夜坐

蕭蕭風雨滿關河。酒盡西樓聽鴈過。莫恠行人頭白盡。異鄉秋色不勝多。

李蘇泣別圖

上。林木落鴈南飛。萬里蕭條使節歸。猶有交情兩行淚。西風吹上漢臣衣。

林鴻

字子羽。福清人。以人才薦授將樂訓導。推勝部員外郎。御試龍池孤雁二詩。名動京師。未幾棄官歸。與浦長源為詩友。其後閩人言詩者皆本鴻。李西涯謂其專學唐人。蓋極力摩擬。不但字面句法。并其題目亦效之。開卷驟視。宛若舊本。然細味之。求其出肺腑。卓然有力者。皆不能一再屈也。子羽在當時。亦可方駕高楊諸人。有識試辨之。王鳳洲曰。子羽命才充裕。標格華秀。雖以堤柳官花。



之句得名他作實多勝者顧玄言曰才  
思流麗如游魚潛水翔為薄天各適性  
情劉子高叙其集曰已窺陳於道之與  
大有開元之風

### 感秋

撫劍中夜起。氣候何淒清。天高白露下。北斗當前楹。  
嗷嗷雙飛鴻。隨陽亦宵征。微禽爾何知。寒暑攬其情。  
始知玩物化。中復念吾生。合也三十志有立。一經尚無成。  
緬懷古哲人。信與天運并。道在無終始。時來暫衰榮。  
感嘆不成寐。迢首東方明。

### 寄衣曲

漢月挂庭樹。胡霜拂城樓。邊人一夜寒。深閨始知秋。  
起來理征衣。織手一何柔。雙杵幾不勝。寸心未能休。  
梧葉下浙浙。草蛩聞幽幽。月明嗟慰意。風急復含愁。  
白露下蘭心。蘭心亦枯稿。妾家有高臺。下有漁陽道。  
明發寄征人。三把靡蕪草。

### 江閣秋雲圖

山容初斂。夕雲氣已歸。壑何以散。冲襟孤琴坐。江閣  
美人期。不來天寒。楓葉落。

### 答黃逸人



大道如砥平。我車不方軌。明時世景清。夫子乃蓬累。  
有客天上來。為說黃金臺。所市既駿骨。所羈乃龍媒。  
五月上武陽。炎風焚大荒。豈伊道路難。欲往河無梁。  
華門逢君子。酣歌日中市。披髮行且吟。時人盡驚異。  
既知歸日落。欲往秋風作。誰同甯子嘆。且效榮叟樂。  
離別遠將歸。涼風吹布衣。南飛有鴻鴈。毋使信音稀。

雪蓬散人草書歌

雪蓬散人有媽喬。翰墨游心與神契。摹臨秘帖追晉  
風。揮灑雄文明古制。華門鐵限人爭求。荒郊瘞筆應  
成丘。斌媚雲霞晴變態。傾邪風雨寒颼颼。伊余與君  
共鄉縣。結交自昔忘貧賤。啣盃落拓膽氣豪。江樓野  
寺書題遍。借問君書初若何。君言妙悟應聞謔。諧音  
本自車振鐸。渙汗有類風行波。乃知至理無不寓。要  
在高人會其趣。古來入室惟逸少。後者升堂有懷素。  
當代如君誠亦稀。莫嘆蹉跎一布衣。有錢沽酒與君  
飲。醉後目送鴻鴈飛。

義象行

有象有象來天都。大江欲渡心次且。誘之既渡獻天



龍能舒黠  
龍能舒黠  
龍能舒黠  
龍能舒黠  
龍能舒黠  
龍能舒黠  
龍能舒黠  
龍能舒黠  
龍能舒黠  
龍能舒黠

子拜跪不與衆象俱象奴勸之拜怒鼻觸象奴賜酒不肯飲哺之亦不茹屹然十日受饑渴俛首十日憤

且吁天子命殺之衆官束手莫敢屠侍衛傳喧呼壯士披甲執戈與戰久不覺兵捷象乃殂憶昔君王每

巡幸象當法駕行天衢珊瑚錯落明天珠被服美錦紅毳毼紫泥函封載玉璽萬樂爭擁群龍趨玉璽歸

沙漠龍亦歸鼎湖所以老象心南來誓死骨為枯嗟爾食祿人空負七尺軀高高白玉堂赫赫黃金符伊

昔軒冕今泥塗嗟爾食祿人不若飯豆芻象何潔爾何汚天子垂裳治萬世俾全象德行天誅嗚呼象乎

古所無此象與唐孫供奉事大相類子羽表章此象之義大有裨於世教

經綺岫故宮

行人曉飯青山裏驅馬蒼茫經洛水昔聞綺岫盛繁華不謂荒涼今若此憶昨行宮初構時梯巖駕壑相逶迤美人桂殿夜看月公子柘弓朝射麋翠華一去千門鎖露殿飛螢山月墮往事吹殘牧笛風危基半入樵人火今古銷沉能幾回春風依舊野花開君王巡狩不復見禾黍空山鳥雀哀感慨甚矣

皇明言紀 卷之一 四



賦得獨樹邊淮送人之京

君不見秦淮水流到東海。淮邊獨樹如車蓋。九月微霜赤葉乾。枯枝颯颯鳴天籟。枝上啼鴉散曙烟。枝頭殘照咽寒蟬。離人留飲停車騎。俠客相逢掛馬鞭。南國高僧從此去。駐錫雨花臺下路。一飯淮邊洗鉢時。六時宴坐祇園樹。野鶴孤雲任去還。禪心不到別離山。山中亦有長松樹。待爾青松共歲寒。

出塞曲

從軍呼延塞。勒馬單于臺。天地兵聲合。關河秋色來。

酬思憑玉劍。致遠見龍媒。且夕邊城上。喧喧笳鼓哀。

江上寄巴東故人

我憶巴東客。長為江上吟。楚雲將夜夢。湘月寄愁心。落日青楓樹。秋風白帝砧。遙傳一紙淚。讀罷泪沾襟。

送候官張少府調青田

少府移官日。春城正熟梅。露濤侵畫舫。海月近離杯。馬化雙鳧去。琴同一鶴回。括蒼山水好。不減粵王臺。

送蔡大往汝州尋弟

落葉正紛紛。秋城客路分。知君從此去。遙念鵲鷓群。



楚水帆飛雨。荆山路向雲。懸知孤館夕。離雁不堪聞。  
憶浮生

瘴海民風異。炎荒客路難。午深猶見霧。臘盡不知寒。  
蚌月開晴島。蛛蛇暗射灘。居夷雖可學。懷土淚闌干。

擬太和公主和番

淚風深矣

粉淚辭丹禁。紅顏冒虜塵。南天唯月北地更無春。  
笳鼓疑芳裔。軒車掩翠輦。年年桃李月。淒絕舊宮人。

宿雲門寺

龍宮臨水國。鳥道入雲蘿。海闊疑天近。山空覺月多。

鶴歸僧自老。松偃客重過。便欲依僧寂。塵纒可柰何。

憶鄭二宣時往交州

旅棹若乘空。春遊逐日東。遙連滄海客。共是白頭翁。  
雨霽魚吹浪。天遙鷓惜風。清冷臺下路。尊酒幾時同。

春日遊東苑應制

長樂鍾鳴玉殿開。千官步輦出蓬萊。已教旭日催龍  
馭。更借春流泛羽杯。堤柳散眠鶯。喚起宮花乍落烏  
啣來。宸遊好把簫韶奏。京國于今有鳳臺。

堤柳宮花  
聯宮時

以此得名盛傳都下



春日陪車駕登蔣山

鍾山日暝樹蒼蒼。鳳輦乘春到上方。馴鳥不隨天仗散。曇花故落御衣香。珠林霽雪明山殿。玉潤飛泉近苑牆。自愧才非枚乘匹。也陪巡幸沐恩光。

題中天樓觀畫

海上三山接混茫。僊居遠在白雲鄉。樓當太乙星辰近。樹拂勾陳雨露香。絳節御風來阿母。玉簫吹月醉周王。可憐八駿歸來晚。蕭颯蛾眉兩鬢霜。

登岳陽樓

湖水平臨夔子國。岳陽絕勝濯龍宮。樓臺迤邐丹霄外。島嶼浮來玉鏡中。墨客琴尊惟醉月。榜人舟楫若乘空。青蘋風起猶能賦。不獨蘭臺宋玉工。

和張考功春日早朝遇雪

今年春早覺春寒。紫禁朝回雪未乾。太液月低銀兔濕。蓬萊天近玉龍蟠。吳鹽色瑩差堪擬。郢曲才高歎和難。最喜風光先報柳。漸舒晴翠拂闌干。

與黃一秀才雨夜小集憶鄭宣

香燼燈殘意萬重。與君共憶遠遊踪。尺書不到驚春



雁尊酒相逢話。夜鍾風動。櫟枝番暗。鵲雨深莎井響。鳴蛩自慚淺薄。誰招隱。尚掩丘樊學。卧龍。

題秋江離思圖

粵城衰柳拂金堤。雨裏秋襟惜解携。客散江亭逢斷雁。酒醒沙館候鳴雞。楓橋夜冷吳謳起。笠澤天寒楚望迷。天路雲山從此別。一封愁札為君題。

送高書記之邊

青袍書記去翩翩。紫塞從戎不記年。積裏倚弓看漢月。飄中走馬入胡天。烏孫部落通烟火。敕勒沙場乏水泉。關道安西無戰鬪。時時醉向酒家眠。

出江蘭若送浦舍人歸晉陽

呂音節

離亭征騎曉駢駢。正值關河朔雁飛。白髮相看闕海別。青山遙送晉陵歸。江城雨外蓮峰出。野寺霜前栢葉稀。自愧志情非上智。臨岐惆悵一沾衣。

晚日杉關

荒臺古道歛微曛。馬上笳聲不可聞。地自亂離民舍少。山當闕楚客程分。林長積雨寒為雪。樹擁孤峰濕作雲。愧我舊遊見關吏。也將書劍學從軍。



送魏萬之安西

梁苑微霜梨葉紅。行人此日發關東。酒邊怨別看長  
劍。馬上驚心見斷蓬。雲散岳蓮開泰華。月寒列嶺隱  
新豐。窮秋亦有臨邊使。待爾題詩寄塞鴻。

畢公房

躋閣攀岩入化城。薜蘿高卧寄閒情。旅窓上月分燈  
影。亂葉隨風雜磬聲。麋鹿自知諧野性。簪珥何用  
虛名。真僧出世心無事。戒得冰壺徹底清。

留別高八逸人

野客行歌賦式微。江亭垂柳鷓鴣飛。父從別墅花前  
醉。倦逐征鴻雨外歸。極浦波光搖菰掉。晴川柳色滿  
行衣。冶城亦有同遊侶。高調于今似子稀。

與陳八參軍夜飲話舊

鄉園別後隔烽烟。此夕論交意惘然。雁引歸心離海  
國。杯卸好月醉霜天。謀生自媿青雲後。話舊多驚白  
髮前。明日豫愁分手處。憑君慨慷看龍泉。

賦得垂楊送客

客路垂楊最有情。暖風吹綠漸冥冥。雨洲楊柳宮前

鷓鴣音匹  
祥水鳥音可  
塗刀



見月白。桓伊笛裏聽葉暗。未堪藏乳燕。花飛終恨化。  
浮萍分。携歌折長條。贈愁絕。河橋酒幔青。

將歸海上群公相餞至龍津

百尺雲帆掛海霞。勞君相送到天涯。重來應恐清秋  
晚。落盡清冷桂子花。

題朱舍人為史太守寫竹

舍人退食寫閒情。公子開棧玉雪清。曾向鳳池同夜  
直。披垣梧竹總秋聲。

夢仙

赤欄馬道掛雲烟。夢入瑤華小洞天。塵念一萌仙  
墻

開。桃花流水自年年。此詩在遊仙記中張綸稱其清  
新婉麗一時諸家有所不及近

年晏鐸採國朝諸公之作為鳴盛集  
而以子羽所作弁諸首亦可謂之知詩  
者矣

下山尋朱繼

携琴載酒遠尋君。石徑人稀半夕曛。縱醉也須上山  
去。莫教閒却半床雲。

早行

前山樹暗月朧朧。馬足雞聲共曉風。不為逢秋多感



慨只緣身在別離中。

題垂虹橋

君門乞得此身閒。野樹烟江一掉還。收拾舊時詩酒伴。遠尋僧寺入秋山。

孫贊

字仲衍。號西庵。五羊城西人。其天分極高。平生無書不讀。詩文豪邁。偉麗足追作者。為宋潛溪高弟。共武中舉。進士。為翰林典籍。王鳳洲曰。典籍如翩翩遊子。輕脫自好。

擬古三首

岐路一尊酒。送君當遠行。交時未及竟。絲管激哀聲。

再冉歲華暮。悠悠雲氣征。馳車戒往路。惻惻傷我情。默已傷歡愛。不可忘。昔為春花妍。今為秋草芳。秋草芳有時。夫君見無期。獨宿坐長夜。淚落如縷縈。白日儻回照。孤懷君所知。

白日無流光。逝水無迴波。浮生類轉燭。運盡歸山阿。松柏夾長路。高墳起差莪。古來皆若此。咄咄將柰何。誰絃雍門琴。和此薤露歌。

日月遙朔望。推遷無時停。鼎鼎百年內。所為竟何成。賢者解斯理。達生外其形。良辰有美酒。日對賓友傾。



皇明詩集 卷之二 三二  
迢迢閭風立奇樹秀瑤英周王八駿沒天路杳冥冥  
期羅浮蕭鍊師不至

石室松桂秋涼颼滌殘暑柴門敞空曲曠夕懷仙侶  
巢笙久不至鶴馭今何許朗月流清輝山中幾延佇

古意

山礬花落春風起吹妾芳情渡江水夢中蝴蝶相交  
飛門外鵲聲即馬歸

閨中聞子規

空疏日射房櫳曉碧樹初聞子規鳥驚回殘夢了無  
歡慘切清愁破清悄獨宿何曾下綉帷寧勞勸我不  
如歸鶯花爛熳江南道好向遊人醉處啼

將進酒

青瑤案上離纒琴一徽已值千金黃開罇花下對明  
月欲彈一曲還沉吟沉吟幾低首彈商聲勸君  
酒雍門風樹春蕭蕭地下田文骨應朽

阿嬌怨

妾昔初入昭陽時橫雲學得內家眉風鬟霧鬢在君  
側長得君王不自持侍宴前楹春爛熳承歡別殿夜



逶迤西涼絃索龍香撥。北苑葡萄金屈卮。一從寵薄  
恩光歇。長門永巷宣呼絕。斗帳香消萱蔻垂。舞裙寬  
褪丁香結。薰籠如夕倚鎖窓。兩羅襪。秋寒玉階月。淒迷  
夢醒心似灰。零亂憂來泪如雪。橫塘浦口大江邊。女  
伴年年憶採蓮。雙飛翡翠渾如畫。並蒂芙蓉只似仙。  
秀含誰吟白華曲。下堂長咏綠衣篇。君恩若許重相  
惜。缺月清光應一再圓。

驪山老妓行

秋風楊柳凋金縷。冷露芙蓉落芳渚。寒香晚色何所  
如。驪山唐姬教坊女。蛾眉淡掃山遠碧。蟬鬢半拋雲  
亂吐。時粧無復新妖嬈。曩態猶存舊嬌嫵。我昨咸陽  
縱冶遊。冶遊爛熳遍西州。青山直抵雙龍闕。綠水橫  
過五鳳樓。南國佳人金錯落。長安公子玉驄騮。銀壺  
送酒青絲絡。皓齒當筵白雪謳。琵琶橫笛空聒耳。唐  
姬擲箏妙無比。請彈一曲久含羞。呼喚百回方強起。  
移柱相參鴈成列。調絃未就人先喜。俛首斜施珠步  
搖。向人高露春纖指。樓高韻發響泠泠。急管悲歌一  
霎停。初聽乍如風雨至。再彈還作鳳凰鳴。清如玉女



鈞天奏。壯似雕戈出塞聲。澗水帶冰時。哽咽。春雷震  
石。忽憑陵。憑陵未已。旋清悄。清悄漸疑聲。漸小。四座  
無言。俱寂寂。餘音已斷。猶縈繞。溶溶宛宛。復悠悠。切  
切淒淒。還窈窕。深閨斷。蚓怨寒宵。淺谷嬌鶯。破春曉。  
纏綿萬恨。與千愁。婉意柔情。不肯休。蔡琰胡笳。悲紫  
塞。班姬團扇。掩清秋。樓前皓月。明如練。天外行雲。凝  
不流。促拍未終。南內曲。新腔忽過。小梁州。梁州一摺  
月。向午。唐姬此時。心獨苦。銀甲悲深。不忍彈。衷腸斷  
盡。無由語。低籠翠袖。搵香泪。翻使歡娛。變淒楚。訴盡

平生富。與貧。可憐人世。今成古。憶昔開元。正太平。兒  
家生長在天京。十三學舞。曾驚坐。十四搗箏。能擅名。  
玉貌羞花。長窈窕。宮腰怯柳。更輕盈。春寒不離鴛鴦  
枕。日晏方開孔雀屏。五陵年少。秦川客。爭愛兒家好  
顏色。帶雨。尤雲最惱公。追歡買笑。寧論直。聲名每出  
流輩上。風致獨覺。傍人惜。承恩况得。登掖庭。宛轉隨  
龍侍君側。海晏河清。久息兵。四夷賓貢。盡充庭。突方  
已見。來丹荔。交趾還聞。進雪鷄。耀日香車。連紫陌。飛  
雲畫棟。列朱甍。空濛一片。笙歌海。浩蕩三春。錦繡城。



驪山山上多樓閣。萬戶千門通碧落。大駕深居在九重。四時多暇推行樂。已營連昌勝結綺。復起芳鳳齊花萼。壺飛玉女遞更籌。舟戲金龍動鱗角。侍臣傳勅選嬌容。特許兒家步輦從。官扇影移花外雨。山呼聲沸錦雲中。千株大樹爭明月。萬炬金蓮鬪彩虹。子夜歌詞翻白雪。霓裳舞隊散旋風。歌停舞歇徘徊久。銀箏獨進纖纖手。明眸麗質一當前。含顰美人俱在後。數聲清響動絃索。八面涼風生戶牖。艷曲新裁萼綠華。中官催賜葡萄酒。年年秋月復春花。多在宮中少在家。嬌笑不愁宮監怒。艷粧長得阿姨誇。朝遊樓道瞻天表。夜步西廂拜月牙。闔草經春陪魏國。藏閣竟夕半昭華。韶光忽逐流年轉。野鹿啣花上林苑。鏤騎東來鳳闕空。金根西狩蛾眉遠。上方無復聽宣召。新籍寧辭避差遣。約臂金環雨雪寬。凌波錦襪風埃蹇。星移物換得無情。復向驪山悄地行。紫禁無人芳草合。瑤階雨過綠苔生。歌臺索莫花千樹。舞榭蒼涼月半橋。繡閣秋陰連瑣闥。銅仙清淚落金莖。高梧墮翠蓮飄玉。太乙勾陳看不足。百子樓寒霧影昏。長生殿



古烟光綠宮墻瓦落見蓬蒿。螿路塵生走麋鹿。舞馬  
雕牀惱夢思。花奴羯鼓驚心目。故宅新人作宴遊。內  
家紅錦別纏頭。珠簾繡柱俄成夢。鳳管龍笙總是愁。  
舊曲闌來眉自斂。盛年說著口應羞。飛蓬短髮難禁  
白。老屋踈茅不柰秋。舞衫長借鄰人着。同伴相呼只  
推郤。臉玉香隨翠。靨消淚珠暗。逐燈花落。憂來倒插  
黃金鳳。夢裏時彈白翎雀。百感中來不自由。芳心片  
從誰托。唐姬言語一何長。句句凄其字字傷。滿座聞  
之聲唧唧。沾巾我亦為浪浪。滄桑轉瞬誰能識。富貴

浮雲安可常。覽鏡每聞悲素髮。舉杯長欲勸流光。唐  
姬亦莫懷抱惡。自古佳人多命薄。傾城西子逐鴟夷。  
絕代明妃嫁沙漠。尊前有酒且懽笑。身外閑愁付冥  
漠。皎月秋來幾度圓。穠花春盡從渠落。唐姬攬涕復  
陳情。請作驪山老妓行。桃李風前霜月下。長吟亦足  
慰平生。不因水上琵琶語。那識江州司馬名。為爾臨  
風歌一曲。百年哀怨起纂箏。

叙事委曲情態宛然不  
減香山琵琶行也

梁父吟

江水何深深。青楓映雲林。衡門一杯酒。抱膝梁父吟。



君不見夷吾奮袂投南冠。故人薦引登君門。揚眉吐  
論下荆楚。糾合冠裳朝至尊。又不見樂生徒步從西  
來。燕平一擁帚。調笑黃金臺。轅門一日見旌節。七十  
齊城生暮埃。古來英俊人所遇。皆有益。袖拂驪龍珠。  
能令鬼神泣。而我獨何為。幽泉凍蛟蟄。荒蘿繞屋秋  
雨涼。山鬼吹燈冷光濕。幾欲乘風朝太清。芙蓉縹緲  
白玉京。天田角井散烟霧。阿香布鼓瑯瑤鳴。星辰可  
望不可即。手把琅玕空復情。為臣自古良獨難。我更  
懷之摧肺肝。田疆古冶三猛士。昔者虎視青齊間。悞  
懼相國二桃計。恨血今為春草斑。白頭黜舊且如此。  
何況新知而覲顏。梁父吟聲正苦。日落未落天星黃。  
西園灌木秋楚楚。青青千里草如霧。兀兀當塗高路  
虎。長陵百尺空嵯峨。夜半山精泣風雨。世無女媧五  
色石。天柱欲倩誰人補。荊州水碧岷峨青。思美王孫  
渺何許。梁父吟聲苦傷歌。殘玉壺缺。白髮千丈長。起  
坐擊長劍。仰天悲流光。西歸白日為誰晚。東流之水  
何泱泱。青冥黃鵠儻垂翅。我亦凌風隨爾翔。

南園歌贈王給事彥舉



昔在越江曲。南園啟風軒。群英結詩社。盡是詞林仙。  
千花明當門。綠樹啼春鶯。群英組絡照江水。與子共  
結滄洲盟。滄洲之盟誰最雄。王郎獨有謫仙風。狂歌  
放浪玉壺缺。劇飲淋漓宮錦紅。青山日落情未已。王  
郎拂袖花前起。歡呼小玉彈鳴箏。醉倚庭梧接宮徵。  
哀絃冷冷樂未終。忽看華月出天東。裁詩復佐夜遊  
曲。銀燭飛光白似虹。當時意氣凌寰宇。湖海詩聲萬  
人許。酒徒散落黃金空。獨卧茅簷夜深雨。分飛幾載  
遠離群。歸來城市還相親。閒來重訪舊遊處。蒼烟萬  
頃波粼粼。波粼粼。日將夕。西風一葉凌虛舟。猶可題  
詩寄青壁。

羅浮歌寄洛陽李長詩仲脩

亭亭西樵峯。宛在南海湄。日華麗仙掌。影漾金銀池。  
我昔扁舟恣長往。凌風浩蕩烟霞想。尋幽更欲探神  
竒。復向羅浮事仙賞。仙家三十六洞天。羅浮夔與滄  
洲連。丹霞射影四山靜。群真環珮來翩翩。藥珠之峯  
數千丈。君時與我緣蘿上。水簾直下飛晴虹。萬壑天  
風度流響。山中劉郎司玉臺。仙書授我琅函開。心如



明月迥虛照。身與浮雲同往來。此時會合那能再。塵  
土分飛忽三載。我行奏賦登金門。君亦乘輶度淮海。  
迢迢烟樹深相思。歲晚結愁心。長空萬里碧雲遠。何  
由一寄還山吟。山中洞房春寂寂。山中之人長嘆息。  
松花酒熟人不歸。瑤草春風幾迴碧。

長歌行

彈鳴絃。發清商。悲風激林木。歌聲一何長。歌聲長。絃  
聲短。百年鼎鼎不易滿。

短歌行

長劍和短歌。短歌聲無歡。調促情苦多。矐流光。  
逝波青銅霜。飛柰老何。

休洗紅

休洗紅。洗紅顏色落。莫思君。思君懷抱惡。君恩原不  
淺。妾命由來薄。君如白日不回光。妾有芳心向誰托。  
休洗紅。洗紅休莫莫。

紫騮馬

紫騮馬黃金羈。兒家夫婿金陵兒。金陵正值繁華時。  
日與遊俠相追隨。追隨遊俠金陵下。長跨金勒紫騮



馬賭勝初登蹴鞠場縱酒還來鬪雞社越羅楚練照  
晴空飛鞚揚鞭去似龍節轉端門回輦路斜穿夾道  
過行宮行宮夾道通三市長使傍人誇意氣紫陌春  
融錦繡連青樓日暮笙簫起青樓娼女研羅裙清歌  
宛轉駐流雲歌闌陌上春風度舞罷樓前壁月新陌  
上樓前相識多相陪相引屢經過房櫳寂寞交疏裏  
雲鬢粧成柰爾何

白苧四時詞四首

姑蘇臺上春風和江花亂落江水波交疏楊柳綠  
差華筵夜列開綺羅當筵西施間群娥朱顏為君  
微醺自拈紅牙節清歌飛花着人思繁多華月耿耿  
度斜河疎星出河夜歇過烏啼啞啞柰爾何

閭門輦路薰風時江光瀲灩芙蓉披翠羽霓旌照洲  
渚鑾輿出遊初避暑西施含顰嬌不語群娥聞起歌  
白苧回風舞袖君為舉歌聲窈窕一何長白苧之白  
白如霜木瓜花紅荔子香東江月出西江光銀壺酒  
多樂未央

館娃宮畔風蕭蕭芙蓉墮香楊柳凋銀河影澹烏鵲



橋熒熒雙星麗碧霄美人微醉臉紅潮  
遙前舉袖催玉簫舉歌白苧闌  
嬌嬈越羅楚練風飄飄此時奉君  
情歆絕銅龍夜深宮水咽銀牀  
低轉梧桐月

北風吹江日宛宛江天飛雪簾  
櫳滿美人臺上闌腰肢羽觴  
流霞照華瑄遙前西施含醉  
眄歌停綠水聲欲緩群娥玉環  
低款款別宿臺前水仙館芙蓉  
帳高錦雲暖儂覺寒宵作那短

蔣陵兒

蔣陵健兒身手捷青年好遊  
仍好俠錦衣繡帽綠絲

囊綠鬢葱籠映朱頰春風二月  
蔣陵西柳暗溪槁花滿堤  
驥裊金鞍搖日出輕盈紫  
絃踏苑嘶佳人紈扇和詩  
贈上客金瓶帶酒携上客  
留連正及時佳人妙舞闌  
腰肢舞回璧月當空見歌  
罷楊花似飛雪楊花似雪  
紛紛落酣醉人前誇浪  
謔自然不忝揖金張况肯  
低頭拜衛霍意氣由来凌  
七貴豪華豈必資三畧五  
侯宅裏聽啼鶯迤邐家前  
彈羅雀楊雄寂寞掩柴扉  
草得玄成鬢若絲歲歲年年  
書閣底惟應羨殺蔣陵兒



次武昌

大風吹船如馬走船頭水聲作牛吼掛帆初發岳陽磯  
轉舵俄灣武昌口武昌城頭黃鶴樓飛簷遠映鸚鵡洲  
漢陽樹白烟景濕行人如鶴沙際立江南風土寒氣遲  
居人九月著葶衣酒旗臨江開竹屋當壚小姬能楚曲  
蜻蜓船尾旋回風今夕停船酒家宿

送何三元帥北上

春風吹花江水波江頭楊柳綠差差臨別增悵慨我與何  
郎情最多何郎昔年十六七明珠虎符光

照室錦臂蒼鷹掣暮雲青絲白馬嘶晴日此時我作  
座上賓星樓月帳長相親班超英傑恥投筆孫楚兀  
傲猶參軍何郎嚴親初入覲何郎笑解封侯印鵲血  
弓猶滿月懸青門瓜地從人問今年會晤蔣陵西爛  
漫鶯花醉欲迷梧桐葉落鳳臺曲楊柳烟籠白下堤  
何郎於我情最厚此別寧堪酌春酒平原北上路迢  
迢白雁南還寄音否

捕魚圖

小孤洲前春水綠泛湖小船如小屋白頭漁父不解



愁。徃來捕魚湖水頭。得魚換米納官稅。妻孥衣食長  
優游。大兒十三學網罟。小女七歲能搖櫓。江口賽神夜  
吹角。村邊賣魚朝打鼓。雨來維稍依古岸。風起鳴榔  
入長浦。荻芽短短桃花飛。鱖魚上水鮪魚肥。鱠魚燒  
筍醉明月。蠻歌唱和聲。咿咿月明在天光。在水。但願  
年年只如此。無風無浪安穩眠。湖中有魚漁得錢。舊說

廣中四傑孫其一也長於七言今觀孫古體諸作豈讓唐人哉

山中寫懷

野館愁俱寂。空林日未斜。看雲偏憶母。為客久辭家。

獨自嗟萍梗。非關戀物華。晚來山雨裏。猶見杜鵑花。

光孝寺

兩葉菩提樹。天花薝蔔林。塵機方外息。幽趣靜中深。

野色連香積。秋聲雜梵音。隨緣僧供裏。予亦長禪心。

圯上懷古

草沒荒臺烟樹疎。維舟疑眺久踟躕。凌波見說求仙

履。博浪曾聞中副車。勲業赤龍三尺劍。風雲黃石一

編書。獨憐衣赭人如玉。鴻鵠歌殘怨有餘。

圓丘大祀

皇明詩苑 卷之二 六四



松柏蕭森倚半空。天壇高峙帝城東。宸旒蕭穆千官  
合。鹵簿輝煌萬國同。上界清都移壁落。森階黃道隱  
晴虹。相如莫獻青鸞賦。不是祈靈太乙宮。

淮上憶京

去歲斯辰客帝畿。蔣陵西望鴈飛飛。秋風叢菊開芳  
徑。落日浮雲滿翠微。老去吟邊芳物改。別來天上故  
人稀。登臨復對青尊酒。醉倚淮山憶禁闈。

陪翰林宋承旨遊鍾山

天上禪關敞薜蘿。每緣休沐得經過。雲籠梵宇青蓮  
濕。地接宸居紫氣多。甘露結花疑木杪。醴泉和雨落  
巖阿。欲陪謝傅金屏約。未解朝簪奈爾何。

訪某附馬不遇

青春附馬不還家。公主傳宣坐賜茶。十二碧闌春似  
海。隔窓閑殺碧桃花。

楊妃對鏡圖

舞鸞金背隱清光。中有開元墮馬粧。一線枕痕春色  
淺。夜來知是夢漁陽。朝戲甚矣。

寄彥舉



綠楊陰下玉驄嘶  
絲絡銀瓶帶酒携  
夢入南園聽夜雨  
不知身在蔣陵西

出蜀

白帝秋高木葉黃  
蜀中長是雨浪浪  
瞿塘水落旋渦小  
一路看山到岳陽

劉丞直

字宗弼章貢人仕至浙江僉憲

秋日東林冥坐

高秋坐虛館  
颯然神慮清  
迴颺颺踈雨  
蕭洒集前楹  
始忻塵雜遠  
稍覺微涼生  
簷鐸迭相答  
林蟬時一鳴

物情各有適  
吾生豈無營

題孫子讓山水

斜日在松杉  
千崖暝色酣  
山藏五柳宅  
路轉百花潭  
亂石明蒼玉  
遙峯露碧簷  
終希陪妙躅  
來此脫征驂  
同俞自安泛舟南湖寄龔所立

高秋留別墅  
亭午泛寒流  
未結巢由社  
還同李郭舟  
波光迎日動  
雲氣挾山浮  
為問乘槎客  
何時賦遠遊

采石蛾眉亭

昔從淮海泛歸舟  
曾為蛾眉十日留  
翠袖鴈行歌子



夜玉壺鯨飲醉。清秋江山有待。仍青眼。歲月無情。易  
白頭。滿目閑愁。懷李謝。數聲渙唱。起滄洲。

題陳士中靜軒

為愛城東處士家。竹門藤巷寂無譁。清溪時集忘機  
鳥。喬木來巢返哺鴉。窻下晨香燒栢子。甕頭春酒醖  
松花。年來我亦嫌紛擾。擬卜南隣度歲華。

孫炎

字伯融。句容人。元季落魄不仕。國初為江南行省掾。知池州府。本省總制。死於難。封丹陽男。時稱其詩。脫凡近以遊高。明鼓俠氣。而超塵壒。弟子符行簡。莫輯遺珠。釐為若干卷。宋景濂為之序。鳳州曰。左司俠氣。驚發辨詞。虹橋。繼。

宛轉詞

之寄機。以身沒所作詩。歌十不一。者。然頗跌宕。若稚逸。青鳳。吉光之裘。片羽。千金。藏龍。如意之珠。一照累乘。奚啻多。批。又曰。伯融如新。就街馬。步驟未熟。時見輕快。

流黃機響春閨。織成幼時華彩衣。玉為容。水為瞳。二  
十嫁與梁家鴻。妾鼓瑟。即鼓琴。海枯石爛同一心。雲  
母屏。夜向冥。即是月明妾是星。鞭珊瑚。帳流蘇。即騎  
高馬。妾坐車。女蘿枝。延兔絲。綿纏到老。即自知。徑寸  
珠。水中居。團圓到老。妾不如。



龍灣城

龍灣城。壯如鐵城。下是長江。城頭有明月。月色照人心。不移。江水長流無盡時。

題好溪圖送憲使黃繼先

君乘馬望君來。括蒼下。君乘舟望君來。好溪頭。好溪水。水生玳瑁魚。好溪水。生明月。珠好溪水。生青珊瑚。使君來。此月再樞。惟飲此水。無一需。使君之。清。水。不如。臨別。贈君青絲轡。隨君馬行萬里。相思之心。有如水。

寶劍歌

寶劍光耿耿。佩之可以當一龍。只是陰山太古雪。為誰結。此青芙蓉明珠為寶錦。為帶三尺枯蛟出冰海。自從虎。單。裘。干戈飛入。芒。碭。育。光。彩。青。田。劉。郎。漢。諸。孫。傳。家。惟。有。此。物。存。匣。中。千。年。睡。不。醒。白。帝。血。染。桃。花。痕。山。童。神。全。眼。如。日。時。見。蜿。蜒。走。虛。室。我。逢。龍。精。不。敢。彈。正。氣。直。貫。青。天。寒。還。君。持。之。獻。明。主。若。歲。久。旱。為。霖。雨。  
此劍左司家藏。作歌以贈劉誠意也。誠意初亦不應。太祖之聘。左司為之委曲。開諭。卒之雲龍風虎。明良會合。開創萬世之基。人皆知為誠意之功。而不知實左司始之也。



贈黃鍊師

留侯弟子有初平。九歲從師住玉京。天與數書皆鳥跡。家藏一劍是龍精。瑤池桃實無消息。海水桑田又淺清。我為紫芝歌此曲。夜深相答洞簫聲。

陶安

字主敬。當塗人。少敏悟。有大志。博涉經史。初見高廟。多所開導。累官翰林學士。知制誥。脩國史。卒。贈姑熟郡公。上稱其文不在宋景濂之下也。後遷江西行省參政。

望夫山

春風江頭吹柳枝。閨中佳人怨別離。長城雲樹渺天

北。重見即面知。何時欲飛向君無羽翮。登山望遠雙瞳碧。寸心似石無轉移。徧體從之總成石。相思誓與天地久。肌骨猶香堅不朽。征夫飄泊終不歸。縱活孤幃獨難守。岫花結簪螺髻綠。雨露昏朝足膏沐。銀河雲錦織衣裳。月如光鏡天為屋。嗚呼長年望夫夫不歸。何似嫦娥守幽獨。

虎丘

海湧峯頭翠拂天。瘞來池劍化蜿蜒。樓臺隱映王珣宅。樹石荒涼陸羽泉。古塚月明無虎踞。芳林春盡有



皇明詩經 卷之一  
啼鳥名山勝境關情久稀為尋登一繫船

澹津湖

瀛海飛來萬斛濤。城心激灩漲芳臯。鰲擎大地呈雙  
膊。兔走明河見一毫。天女織綃紅菡萏。波神釀酒綠  
葡萄。幾回雲母屏間過。立馬涼生白苧袍。

浦源

字長源。號東海無錫人。晉府引禮舍人。後葉官與林子羽為詩友。詩日益進。所著。有長源集。五鳳洲曰。浦詩為小乘法師。未到佛境界也。

贈別沈校書

與君昔相逢。花開酒樓醉春風。平生車馬願與共。何

事變分西東。君卧東山裏。我釣西江曲。幾回楓

夢中青。千里桂枝愁處綠。飛鴈翔鴻徒往來。音書不

寄使人哀。返照斜分遠行路。浮雲亂繞舊登臺。今朝

復見蘭陵道。細雨微烟濕芳草。別離惆悵十年多。我

少朱顏君已老。握君手與君吟。感君知己復知音。我

將歸去重回首。雲海蒼茫情更深。

送王濟民歸盤谷

官亭酒香柳花白。下馬持觴送行客。客歸江上愁更

多。春水雨中生綠波。青山遙樹楊子渡。殘日微明廣



陵樹渡江酒醒傷別離。夜半舟人歌竹枝。烏啼月落  
海天遠。驛程已過淮陰縣。楚鄉菰米飯。食魚宵征在  
鞍宿。在車中原漸近太行麓。不知何處通盤谷。一逕  
縈紆萬壑深。始知舊宅隱雲林。昔年泉谷渾無恙。猿  
鶴猶存松桂長。遺老家家懷故情。相邀雞黍話平生。  
樽前不問宦遊好。只說山中農事早。數畝何須負郭  
田。郡中太守正求賢。知音不肯入城市。日逐漁樵向  
水山。江南故人那可逢。有書應寄南飛鴻。

送馬明府歸田

我來君又去。同是宦遊人。別處初逢雪。還家始見春。  
杯傾故國酒。衣拂異鄉塵。却嘆離居者。依依孰可親。

和于先生韻

秋城黃葉下。聞笛淚沾衣。乍雨千峯出。殘陽一鳥歸。  
客貧交友寡。鄉遠去人稀。何事荆南道。逢君更可依。

贈張穎州

迢遞浮淮泗。淒涼過穎州。水陰孤館夕。草色半城秋。  
才薄慚王事。吟多惜宦遊。不逢張太守。那得暫相留。

春夜聞雁



鼓角罷春城。嗷嗷旅雁鳴。上林花送影。邊地雨連聲。  
萬里還鄉國。千行結弟兄。晉陽今夜客。聞爾獨傷情。

送立舍人之邊上

揮金酬壯士。解劍贈離群。數騎臨秋去。孤猿入夜聞。  
帳寒營滿雪。邊曠路連雲。願出膏中策。擒胡報漢君。

寄袁二

安林年少羽林郎。騎射惟能侍武皇。弓影醉開孤月滿。  
刀頭新買百金裝。聽雞曉闕躡星白。走馬秋郊細柳黃。  
應募玉門關外去。請纓生繫左賢王。

嬰姬墓

荒丘寂寂瘞香魂。雨洗殘碑字已昏。尚有隣僧開古徑。  
終無野老奠芳尊。春雲不染羅裙色。秋月空懸玉鏡魂。  
詞客經過休嘆息。吳王宮裏有誰存。

送人之荆門

長江風颺布帆輕。西入荆門感客情。三國已亡遺舊壘。  
幾家猶在住荒城。雲邊路過巴山色。樹裏河流漢水聲。  
若過旗亭多買醉。不須吊古漫題名。

王鳳洲曰。長源一鳴。警人。遂優詩社。雲連巴山。河流漢水。二語信佳景。



送賈文學入京

春城送別已斜陽。花發官亭酒正香。遠騎青山江上路。新鶯細柳禁中墻。踈星北闕趨朝早。澹月南宮聽漏長。誰謂賈生年最少。獨能陳策輔君王。

寄楊先生歸潁上

荒城此日共悽然。我欲南征子北遷。秋雨黃蘆思潁水。夕陽紅稻憶吳田。蕭條客舍虫聲裏。迢遞鄉書鴈影邊。安得重逢一携手。別離同話酒尊前。

贈別謝秀才

蘭陵陌上喜逢君。華館清談酒未曛。蟲益於愁秋已半。燭歌吟影夜初分。窻葉響風驚雨遠。浦潮來水接雲。良會不知能幾度。明朝何事又離群。

送包鶴州東歸

西風江上賦歸休。值雨那堪夜泊舟。官路冥烟迷驛舍。郡城寒火出更樓。到家正值胡田熟。在客先驚館樹秋。遠憶情人相別處。短亭孤棹兩悠悠。

題畫

延陵廟裏碑仍在。黃歇墳前客不歸。回首此時空弔。



古半江烟雨夕陽多

并州寒食

夢入故園千里遠。覺來寒食在并州。鵲楊不是相思樹。那得花開便白頭。

題青山白雲圖

青山欲轉綠溪迴。古木春雲掩復開。不識桃源在何處。但看流水落花來。

詹同

字同文。號天耀。叟。新安人。元末。因亂家黃州。王師下武昌。歸附。仕終翰林學士。清吏部尚書。文章高古。操持耿介。始終清白之行。後飲仕。

前有尊酒行

前有一尊酒。後有三尺墳。墳前兩樹花。墳中不知春。分明計得墳中叟。曾共當年飲春酒。評曰感慨可掬。

松澗亭

澗上長松一百尺。松花落澗流香雪。山韶入夜度晴空。飛瀑隨風灑秋月。高人於此構小亭。上有雲氣山青青。昨日客來覓琥珀。旋汲清泉煮茯苓。

山陰草堂

草堂正在匡廬山。山陰綠玉相對閑。雲從雙劍峰前



下潮到小孤江上還茶烟滿室寫墨竹花雨

白鷗誰似南宮能篆古為君高置軒窓月

秋夜吟

楊升菴分天臘為二人非也此詩三句成章似古非古以近非近錄之備詩之一

桂樹叢叢月如霧山中故人讀書處白露濕衣不可

去

寄方靈道人

海上神仙館天邊處士星卧雲歌酒德對雨著茶經

石洞龍嘘氣松巢鶴墜翎都将金玉句一一寫空青





原件短缺

P74后缺



程